

- المختصر المفيد للمسلم الجديد

الإصدار الأخير (4-5-1443 هـ)

Gom-koεεg sēn nafde, n kō
lɪslaam paalã

Gom-koεeg sēn nafde, n kō lslaam paalā

Sεglgā

Muhammad Aššahrii

1441 – 2020

Ne Wēnd Yvvrā Albarka, sēn yaa Dūni gūbg n yols
Naabā, n yaa yaoolem daar welg n yols Naabā

Gomd tuvsgo

Ad pēgr be ne Wēnde, tī d pēgd-A la d kot-A sōngre,
la d kot-A yaafa, la d kot Wēnd gūdum n yi d mensā
wēnga la d tuvmā wēnga. Wēnd sēn kānd a soaba, ned
pa tōe n menes-a ye, la A sēn menes a soaba, kāndgd
pa be ne-a ye, la m maanda kaseto, tī Soab hakuk pa be
rēnda Wēnde, A yaa Yembre, lagm-n-taag pa be ne-A
ye, la m maand kaset t'a Mohammad yaa A yamba la
A Tēn-tuuma.

Rē loogre poorē:

Wēnd waooga a Adam koambā la A yus-ba A bōn-
naandsā wvsg fāa zugu, A yeelame A naam zēkame:

﴿وَلَقَدْ كَرَّمْنَا بَنِي آدَمَ﴾

{ La sīda Tōnd waooga a Adam koambā } [Al-
israa'v: 70] La A paasa zāmā-kāngā waoogrā n tums b
nengē, A Nabiyaam-dāmba sēn yudā wā a
Muhammad -Wēnd puvsg la A tūlgr be a yīnga- la A

sik n kō-ba A gaf-rāmba sōmblem sēn yudā, sēn yaa Alkvrāan wagellā, la A yar b yīnga dīin-rāmbā A sēn tuk n kō nebā zislem sēn yudā wā, yē me la Lislaoongā, A yeelame, A Naam zēkame:

﴿كُنْتُمْ خَيْرَ أُمَّةٍ أُخْرِجَتْ لِلنَّاسِ تَأْمُرُونَ بِالْمَعْرُوفِ وَتَنْهَوْنَ عَنِ الْمُنْكَرِ
وَتُؤْمِنُونَ بِاللَّهِ وَلَوْ آمَنَ أَهْلُ الْكِتَابِ لَكَانَ خَيْرًا لَهُمْ مِنْهُمُ الْمُؤْمِنُونَ
وَأَكْثَرُهُمُ الْفَاسِقُونَ﴾

﴿Yāmb yaa zāma sēn yud sōmblem ti b yus-b neba yīnga, yāmb sagenda ne manegre, la y gıdgd sēn kisā, la y kōt sūd ne Wēnde, lak ti Gafā rāmb sā n da kō sıda, rag n na yı sōma ne-ba, sūd kōtb n be b pvgē, la b wvsgā fāa yaa Dīin-yitba﴾ Aalv-imraan: 110. La sēn be Wēnd neema kāsemsā pvgē A sēn maane n kō ninsaālā yaa A sēn na n lok-a ne kāndgre n tug Lıslaangā, la tablgo a zugu, la tvm ne a bvvd-rāmba la Šari-rāmbā, la be seb-kāngā pvgē bedremā sēn yaa kudgā ti sēn be a pvgē wā yaa bedrā, tuub paalg karemda būmb ninga a sēn pa sōmb n zı-a a lıslaoongā sungrē ne na-kēndr sēn kvvg koεga, n vēnegd n wīnıgd-a dīin-kāngā sēn yaa zısgā todsā, halı t'a sā n wa fahm-a n tvm wala a sēn togsā a kēeda bāngrā baoob pvgē la wvsg a pvgē sēn na yıl t'a minimā ne a Soabā paase, A naam zēkame, la a Nabiyaamā - Wēnd pvvsg la A tılg r be a yīnga-, la a Dīina sēn yaa Lıslaangā; t'a tūud Wēnde ne vēenem

la bāngre, t'a sūurā yōgneg t'a sid-kūuna paasdē ne a
sēn pēnegd Wēnd ne tūudmā, la a Nabīyaamā Sunnah
pugb a Muḥammad- Wēnd puvsg la A tūgr be a yīnga-

La Wēnd la m kot bark gom-bill fāa sēn be seb-
kāngā pugē, la A naf ne-a lislaoongā la lislambā, la
A maan-a ti yaa Yē A yembr yīnga, la A kō a keorā
lislambā fāa gilli, sēn vu la sēn ki.

La Wēnd na puv la A tūg tōnd Nabīyaamā a
Muḥammad, la a zaka rāmba la a Ṣahaabsā gilli.

Muḥammad [bn Aššibah Aššahru

2 / 11 / 1441 H

Mam Soabā yaa Wēnde

A yeelame, A Naam Zēkame:

﴿يَا أَيُّهَا النَّاسُ اعْبُدُوا رَبَّكُمُ الَّذِي خَلَقَكُمْ وَالَّذِينَ مِنْ قَبْلِكُمْ لَعَلَّكُمْ تَتَّقُونَ﴾

(Yāmb a nebaa, tū-y y Soabā, sēn naana yāmb la
sēn deng b yāmb taorā, ti sānd-sānde y na paam
Wēnd-zoεεga) [Albakara 21]

A yeelame A Naam Zēkame:

﴿هُوَ اللَّهُ الَّذِي لَا إِلَهَ إِلَّا هُوَ﴾

(Yē la Wēnde! Soab sēn kae ti sā n pa Yēnda wā)
[Al-hašru: 22].

A yeelame, A Naam Zēkame:

﴿لَيْسَ كَمِثْلِهِ شَيْءٌ ۖ وَهُوَ السَّمِيعُ الْبَصِيرُ﴾

{Bũmb pa be n wõnd-A ye, la Yẽnda la wũmda n yaa neta} [Aššũvraa: 11]

- Wẽnde la mam Soaba.la bũmb fãa Soaba, sẽn yaa Soaada, sẽn yaa Naanda, n yaa Rũgda, n kẽnesd bũmbã fãa gilli.

- Yẽnda A Yembr tãa n sõmb ne tũudum, soab ka be ti sã n ka Yẽ ye, soab tũudug me ka be ti sã n ka Yẽ ye.

- A tara Yũ sẽn manege, la sũf-rãmb sẽn zẽke, A sẽn tablg ne A Menga, la A Nabiyaamã me leb n tablg A yĩnga, Wẽnd pũvsg la A tũgr be a yĩnga, b taa teka, pidbẽ la sõmblem, la bũmb ka be n yaa wala Yẽ ye, Yẽ me n yaa Wũmda, n yaa Neta.

Sẽn yi A yũ wã sẽn manegã pũgẽ:

A yaa Rũgda, n yaa Yolsg Naaba, n yaa Tõogda, n yaa Naabã, n yaa Wũmda, n yaa Tũgre, n yaa Netã, n yaa b sẽn Bobend a soabã, n yaa Naandã, n yaa Bãn-loetã, n yaa Sekdã, n yaa Yaafdã.

Rũgdã, Yẽ la sẽn yãsa ne yembsã rũgr yelle, rũtĩ ning bãmb sũyã la b yĩnsã yãasg sẽn be ne rẽ wã.

Yolsg Naabã, n yaa yols kasẽng Soaba, yolsg ning sẽn gũbg bũmbã fãa gilli

Tõogdã, n yaa tõog Soab sẽn pidi, tõog ning kongr sẽn ka tat-a, bas-n-vũvs me ka be a pũgẽ.

Naabã: Yênda la b sên sîf ne zîslem sîf-râmba la modgre la kênesgo, n so bûmbã fãa gilli, Yênda n maand A sên rat a pugê.

Wumdã: A wumda bôn-wumdt wã gill fãa, b sên solg la sên vënege.

Tulgrã: A tulgame n yi boogr fãa la bãaga la zanga.

Netã: n yaa Soab ning Nenemã sên gûbg bûmbã fãa gillã, baa t'a sã n tug n bãaname n paoodê, Yênd n ne yelã fãa gilli, n yaa minim têng-m-biig ne-ba, n yaa sên Lik n nê b pusã fãa gilli.

b sên bobend a Soabã: n yãs ne A bôn-naandsã rulgre, n yãs ne-ba, bvl yîng ti b yelã na menese, Yênda n lambg A noang-n-taasã, n maneg n yols b yînga, la A sek-b n yi yelã fãa.

Naandã: Yênda la yelã fãa Yusda la b Yêbgda, ti ka sên da ges bûmb a to n maan ye.

Bãn-loetã: Yênda n waoogd A yembsã la A yolsd-ba, la A kôt-b b sên kotã.

Yênd n sekd A yembsã: b sên tar tulsem ne bûmb ning fãa, la Yênda me la b leb n sekd b mense ne A Sõngrã, n yi zêng sên ka Yê fãa, b leb n sekda b mens ne-A n yi bûmbã fãa gilli.

Yaafdã: Yênda n gûud A yembsã n yi b zunuubã wênga, n ka sibgd-b a poorê ye.

Lıslaam tagsdame n getê Wënd naanegã yel-soalma la A sên yols yelã, sên be rênda pvgê, yaa bon-naandsã sên get sôma b koam-bãanegã, n tar yã-beedo n na n rılg-ba, n leb n ning b toaag a pvgê halı n tall-a n ges hal t'a wa tõe n tı tik a menga, rënd yulgr be ne sên naana bãmbã wã, n leb n buke sên yi A Bukrã pvgê, ne A sên segle n kô bôn-naandga bũmb ningã sên na sõng-a wã, n leb n maneg a halhaalã, n lagem ne a sên yaa valangã fãa.

Nabiyaama a Muhammad, -Wënd puvsg la A tulgr be a yīnga-

A yeelame A Naam Zêkame:

﴿لَقَدْ جَاءَكُمْ رَسُولٌ مِّنْ أَنفُسِكُمْ عَزِيزٌ عَلَيْهِ مَا عَنِتُّمْ حَرِيصٌ عَلَيْكُمْ
بِالْمُؤْمِنِينَ رَءُوفٌ رَّحِيمٌ﴾

﴿Sid la hakuka, Tën-tvum waa yãmb nengê sên yi yãmb pvgê, yaa toog a zug bũmb ning sên namsd yãmbã, n maan yã-beed ne yãmb na kãnde, n yaa nimbãan-zoeta n yaa yolsda ne sid-kôtbã﴾ [Attaooba: 128].

A yeelame A Naam Zêkame:

﴿وَمَا أَرْسَلْنَاكَ إِلَّا رَحْمَةً لِّلْعَالَمِينَ﴾

﴿La Tõnd pa tvums foom rëndame tı yaa yolsgo ne bôn-naandsã fãa gil yīnga. [Al-Anbiyaa'v:107].

A Muhammad -Wënd puvsg la A tulgr be a yīnga- a yaa Yolsg ninga b sēn kō (bon-naandsā).

Yēnda la a Muhammada, n yaa a Abdullaah biiga, Wënd puvsg la A tulgr be a yīnga, n yaa nabiyaam-rāmbā la tēn-tvumbā Pidsda, Wënd tvums-a lame- A Naam zēkyā- ne lūslaangā dīini, n tug nebā fāa nengē, bvil yīnga t'a peeg-b n tug sōma, la sēn tug n yud fāa, yaa Wënd yeembgā, la a gidg-ba n yi wēngā, la a sēn tug n zis n yud fāa, yaa lagem-n-taarā.

A tūub yaa tilae a sēn sagl būmb ning fāa gillā pugē, n leb n yaa tilae ti b sidg-a a sēn kō kibay ninsā, la b zoe n zāag a sēn gidge la a bugsi ti b bas yel ninsā, la b ra leb n wa tūud Wēnde, rēndame ti yaa ne būmb ninga A sēn tuki ti yaa Šari n kō tōndā.

A tēn-tvmdā la tēn-tvumbā sēn reng taorā fāa tēn-tvmdā, yaa bool n tug Wënd tūudum, A Yembre, lagem-n-taag ka be ne-A ye.

Sēn be A sif-rāmbē wā, -Wënd puvsg la A tulgr be a yīnga-:

Yaa sida, la yolsgo, la sū-toogo, la sugri, la sū-keelem, la kūuni, la zvug-sōngo, la tēeg turga, la gāneg-m-menga, la bas-ti-looge.

Alkurāan wagellā yaa mam Soabā goama.

A yeelame A Naam Zēkame:

{يَا أَيُّهَا النَّاسُ قَدْ جَاءَكُمْ بُرْهَانٌ مِّن رَّبِّكُمْ وَأَنزَلْنَا إِلَيْكُمْ نُورًا مُّبِينًا}

{Yāmb a neba! Sida tikr waa yāmb nengē sēn yi y Soabā nengē, la D sik ti wa yāmb nengē vēenem sēn vēnegde.} [Annisaa'v: 174]

Alkvrāan wagellā yē yaa Wēnd gom A naam zēkame, A sēn sik a soab A Nabiyaamā zugā a Muhammad - Wēnd pvvsg la A tilgr be a yīnga- sēn na yil t'a yiis nebā ligsē wā n tug vēenemē wā la a peeg-b n tug so-turgā.

Ned ning sēn karm-a a paamda keoor sēn yaa bedre, la sēn tumā ne a kāndegrā a rika so-turgā.

M rat n na n bānga Lislaoongā zeng-raadā

A yeelame, -Wēnd pvvsg la A tilgr be a yīnga-:

(بُنِيَ الْإِسْلَامُ عَلَى خَمْسٍ، شَهَادَةِ أَنْ لَا إِلَهَ إِلَّا اللَّهُ وَأَنَّ مُحَمَّدًا رَسُولُ اللَّهِ، وَإِقَامِ الصَّلَاةِ، وَإِيتَاءِ الزَّكَاةِ، وَصَوْمِ رَمَضَانَ، وَحَجِّ الْبَيْتِ).

(B mee lislaoongā zeng-raad a nu zugu, yaa maan kaset ti soab hakuk ka be ti sā n pa Wēnd ye, la a Mohammad yaa Wēnd Tēn-tvuma, la yānes ne Pvvsgā, la yāk Zakā n kise, la Ramadaanā no-loeere, la Mak Roogā kaagre).

Lislaoongā zeng-raadā yaa tūudum-dāmba sēn zao Lislaoon fāa, la ninsaal lislaoong ka manegde, rēndame t'a loe a sūurē wā ti b yaa tilae la a maan-b fāa; bala Lislaoongā mee b zug, rē n kit ti b pvd-a ti Lislaoongā zeng-raado.

la zeng-ra kãensã la woto:

rëenem zeng-raoogã: yaa kaset maanego ti Soab kae sên tõe n tũ n tilg ti sã n pa Wënd ye, la a Mohammad me yaa Wënd Tën-tvuma.

A yeelame A Naam Zëkame:

﴿فَاعْلَمْ أَنَّهُ لَا إِلَهَ إِلَّا اللَّهُ﴾

﴿Bĩ f bãng ti sên yalẽ yaa ti Soab sên tũud n tilgd ka be rënda Wënde﴾ [Mvhammad: 19].

A leb n yeelame A Naam Zëkyã:

﴿لَقَدْ جَاءَكُمْ رَسُولٌ مِّنْ أَنفُسِكُمْ عَزِيزٌ عَلَيْهِ مَا عَنِتُّمْ حَرِيصٌ عَلَيْكُمْ
بِالْمُؤْمِنِينَ رَؤُوفٌ رَّحِيمٌ﴾

﴿Sid la hakuka Tën-tvum waa yãmb nengẽ sên yi yãmb pugẽ, yaa toog a zug bũmb ning sên namsd yãmbã, n maan yã-beed ne yãmb na kãnde, n yaa nimbãan-zoeta n yaa yolsda ne sid-kõtbã﴾ [Attaooba: 128].

Maan kaset ti Soab ka be rënda Wëndã maana, yaa: b sên tũud ti yaa sid ka be rënda Wënde.

A Mvhammad yaa Wënd Tën-tvumã vöore: yaa sak n tũ-a, a sên saglã pugẽ, la a sidgre a sên kô kibay ninsã, la b zoe n zãag a sên gidg la a bugsi ti b bas yel ninsã, la b ra wa tũ Wënde rënda ne bũmb ninga A sên tuk ti yaa Šari wã.

Zeng-raoog a yiibẽ soaba:yaa Pvusgã yalsgo

A yeelame A Naam Zêkame:

﴿وَأَقِيمُوا الصَّلَاةَ﴾

﴿la y yānes ne Puvsgã﴾ [Al-bakara: 110].

Puvsgã yānesgã yita ne a kɪsgo wala neng ning Wënd sēn saglã A Naam zêkame, t'A Tēn-tuvmã a Muḥammad -Wënd puvsg la A tɪlgır be a yīnga-wīnig-a tōndã .

Zeng-raoog a tãab soaba: yaa Zakã kũuni.

A yeelame A Naam Zêkame:

﴿وَأَتُوا الزَّكَاةَ﴾

﴿la y kō Zakã﴾ [Al-bakara: 110].

Wënd maana Zakã ti yaa tilae n yaa zarb-n-gesga ne lɪslaam sɪd kũuna sɪdem, n leb n yaa bark puvsg ne a Soabã ne A sēn kō-a sēn yaa arzekã neema wã, n leb n yaa sōngr ne talsã la tulsma-rãmba.

La Zakã kũuna yita ne b sēn na n kɪs-a neb nins sēn sōmb ne-a wã.

La a yaa hake señ yaa tilae n be arzekã pvgẽ t'a sã n wa ta sōor ninga, b kōt-a la kōbg a nii ti Wënd togs-b Alkvrãan wagellã pvgẽ, talg la nimbãan-ned be b pvgẽ.

La a kũunã pvgẽ bilgr bee beenẽ sēn yaa yolsgo, la nimbãan-zoeere, la yɪlgre ne lɪslaam zvgdã la a arzekã, la yard paoongo talsã la ninbãan-nebẽ wã, n

kengd noanglemã la ma-biirã tōkre nebã ne taab suka
lɪslaambã zãmã pugẽ, rẽ yĩng n kit tɪ lɪslaam tɪrga a
yiisda-a lame n kō ne a yōor yamleoogo t'a sūurã
noom ne a kũunã, bũmb ning sẽn be a pugẽ sẽn yaa
sũ-noog kēesg neb a taabẽ wã yĩnga.

La arzekã Zaka yãkrã a sōorã yaa 2.5% sẽn yi
arzek ning sẽn bingã sẽn yaa Sãnem la Wanzur la ligdã
la laogã b sẽn segleg tɪ yaa koosem yingã n baood
yōodã, t'a waooglemã sã n ta sōor b sẽn yãk toaaga n
gilg n sog yvumd tɪ pidi.

Wala Zakã sẽn yaa tɪlae ne ned sẽn na n tar rũms
t'a sã n ta sōor ninga (yvgmã wã la niisã la rũmsã), tɪ
b sã n yaa rũm-daagdɪ yvumdã rasem-dãmb wvsga fãa
tɪ pa b soabã n rɪlgd-b ye.

La woto bala Zakã yaa tɪlae bũmb ning sẽn yit
tēngẽ wã sẽn yaa bōn-bēela la tɪ-biisã la Sãnem-
dãmbã la tēngã arzeg bugsdsã tɪ b sã n ta waooglem
ninga.

Zeng-raoog a naas soaba: yaa Ramadaan kiuugã
no-loeere

A yeelame A Naam Zēkame:

﴿يَا أَيُّهَا الَّذِينَ آمَنُوا كُتِبَ عَلَيْكُمُ الصِّيَامُ كَمَا كُتِبَ عَلَى الَّذِينَ مِنْ قَبْلِكُمْ
لَعَلَّكُمْ تَتَّقُونَ﴾

{ yāmb a neb nins sēn kō sīd ne Wēndā b roglā
yāmb no-loerā wala b sēn dogl sēn deng-b yāmb
taorā sānd-sānde y na zoe Wēnde } Al-bakara:183

Ramadaana yē: la kiuug a wae soaba sēn yaa
Higra wā geelg pūgē, la a yaa kiuug b sēn zisgde
līslaambā nengē, a tara ziir sēn welge n yi yūumdā
kiisā sēn kellā, la a zāngā fāa noorā loesā yaa
līslaangā zeng-raad a nu wā yembre.

Ramadaanā no-loerā yē: yaa tūdum ne Wēnde A
naam zēkame ne yōk-m-menga n yi rubo la yūubu la
kēed-n-taare, la sēn kaood noorā fāa, n sungd tōd-
beogā n ti tāag wīndgā lūuse Ramadaanā kiuugā sēn
yaa Albarkā woglmā gilli

Zeng-raoog a nu soaba: Yaa Wēnd Lohorom Roogā
kaagre.

A yeelame A Naam Zēkame:

(وَلِلّٰهِ عَلَى النَّاسِ حِجُّ الْبَيْتِ مَنِ اسْتَطَاعَ اِلَيْهِ سَبِيْلًا)

{la roga nebā ti b kaag Roogā Wēnd yīnga, sēn
paam a sor n na tvg be,} [Aalv-‘[mraan: 97].

Hagiimdā ytame ne ned sēn tar sor tōogo n tvg
beenē, a yaa vugri vumā pūgē, yē me yaa Lohorom
Roogā toglgō la zīis nins sēn yaa zī-yulma sēn be Maka,
n tvg n maan tūdum-rāmba b sēn mi, wakat-rāmba b
sēn mi pūgē, la sīd la hakuka, Nabiyaama-Wēnd pūvsg

la A tulgr be a yīnga- maana hagiimdā, la nabiyaam-rāmb me sēn ka yēnda maana hagiimdā sēn reng yē taoore, la Wēnd sagla a [braahiim tulgr be a yīnga, t'a bool nebā ti b wa maan hagiimdā, wala Wēnd sēn togs rēnda, Alkvrāan wagellā pvgē, A Naam zēkame, n yeele:

{وَأَذِّنْ فِي النَّاسِ بِالْحَجِّ يَأْتُوكَ رِجَالًا وَعَلَى كُلِّ ضَامِرٍ يَأْتِينَ مِنْ كُلِّ فَجٍّ عَمِيقٍ}

{La moon n bool nebā ti b wa maan hagiimdā. B na n waa fo nengē n kēnd nao la ne rūm-zombds buud toor-toore, n yit zī zārg fāa n watē.} {Al-hağ 27}

M rat n na n bānga Sıd-kūunā (Lumaangā) zeng-raado:

B soka Nabiyaamā -Wēnd puvsg la A tulgr be a yīnga- Sıd-kūun sēn yaa a soaba, t'a yeele:

{أَنْ تُؤْمِنَ بِاللَّهِ وَمَلَائِكَتِهِ وَكُتُبِهِ وَرُسُلِهِ وَالْيَوْمِ الْآخِرِ وَتُؤْمِنَ بِالْقَدَرِ خَيْرُهُ وَشَرُّهُ.}

(Yaa f kō sıd ne Wēnde, la A malegsā la A Gaf-rāmbā la A tēn-tvumbā la laahr (yaoolem) daarā, la f kō sıd ne kordgā (A Pvlungā), a noogo la a toogo)

Sıd-kūunā zeng-raadā, bāmb la sūurē tūudum-rāmbā, sēn ya tulae n zao ne lıslaam fāa gilli, la ninsaal lıslaang ka manegde, rēndame t'a loe a sūurē wā ne-a n wāage, rē n kut ti b pvd-a ti sıd-kūun (lumaoongo) zeng-raado, la yēnda ne lıslaangā zeng-raadā welgrā, yaa ti lıslaangā zeng-raadā, bāmb yaa tvumd sēn yaa

vēenega, ti ninsaal maand-b ne a yīn-wilā, wala fo sēn na n yeel Kaset (Šahd) a yiibā la Puvsgā la Zakā, la sīd-kūunā (lumaangā) zeng-raadā bāmb yaa sūurā tūuma ti ninsaal maand-b ne a sūurā, wala: kō-sīd ne wēnde la A Gaf-rāmbā la A Tēn-tūumbā.

Sīd-kūunā sēn rat n na n yeelgā la a vōorā: yēnda yaa sūurā sīdgrā sēn loe ne Wēnde, la A malegsā, la A Gaf-rāmbā la A Tēn-tūumbā, la yaoolem raarā, la Alkadā (Pulungā), a noogo, la a toogo, la Nabiyaamā sēn wa ne būmb ningā pugbo -Wēnd puvsg la A tulgr be a yīnga- la a maanego: n gom ne zelemde, wala yeelgo: "ti soab ka be ti sā n ka Wēndā". La Alkurānā karengo, la Subhaanallaah la Laa'ulaaha [llallaah maanego, la Wēnd pēgrā.

a leb n yaa tūuma ne yīn-wil nins sēn vēnegā, wala Puvsgo, la no-loeere, la hagiimdu, la yīn-wil nins sēn solgā, sēn yag ne sūurā, wala Wēnd nonglemā la A zoesā la bobl-f-meng ne-A, la maan pu-peelem ne-A.

La bāngdbā togsd-a-la koeg-koega, ti yēnda yaa: loeg ne sūuri, la yeelg ne zelemde, la tūm ne yīn-wila, a paasdame ne tūudum, n poogd ne Wēnd kusgo.

Zeng-raoog rāeenga: yaa kō-sīd ne Wēnde

A yeelame A Naam Zēkame:

(إِنَّمَا الْمُؤْمِنُونَ الَّذِينَ آمَنُوا بِاللَّهِ)

{Ad sɪd-kōtbā la neb nins sēn kō sɪd ne Wēndā }

[Annuur 62]

Kō-sɪd ne Wēndā, tūuda ne A yembgo A Rvɔvɔbiya wā pvgē (sobendē wā,) la A Ulvɔvɔbiya wā pvgē (A tūubē wā) la A yvy wā, la A sɪf-rāmbē wā, yē me yaa būmb sēn kvmbd sēn watā:

Yaa f kō sɪd ne A belmā, A Naam yɪlgame n zēke.

Kō-sɪd ne A sobendā, (Rvɔvɔbiya) A Naam yɪlg n zēke, la A yaa būmbā fāa Soaada, la a naanda, la a rɪlgda, la a yellā Rabsda.

Yaa kō-sɪd ne A Ulvɔvɔbiyā wā (A tūudmā), A Naam yɪlgame, la yaa Yē me n sōmb ne tūudumā Yēnd A Yembre lagem-n-taag ka be ne-A būmb baa a yembr pvgē ye: sēn be b pvgē: yaa Pvɔvgā, la doaag kosgo, la pvlungo, la kodgre, la sōngr kosgo, la gūudum kosgo, la tūudum-rāmbā fāa gill a taabā.

la kō sɪd ne A yvyā sēn maneg zāngā la A sɪf-rāmbā sēn zēkā, A sēn sɪf A Mengā ne wā, maa A Nabiyaamā sēn sɪf-A ne wā -Wēnd pvɔvg la A tɪlgr be a yīnga- la fo bas būmb ning Wēnd sēn ka sɪf ne-A mengā, maa A nabiyaamā me ka sɪf-A ne-a -Wēnd pvɔvg la A tɪlgr be a yīnga- sēn yaa yvy la sɪf-rāmba, la kō sɪd t'A yvyā la A sɪf-rāmbā, b taa teka pidb la sōmblem wēngē, la ad

bũmb ka be n wõnd-A, Yẽ n leb n yaa Wumda n yaa Neta.

Zeng-raoog a yiib soaba: yaa kō-sid ne malegsã

A yeelame A Naam Zẽkame:

﴿الْحَمْدُ لِلَّهِ فَاطِرِ السَّمَاوَاتِ وَالْأَرْضِ جَاعِلِ الْمَلَائِكَةِ رُسُلًا أُولِي أَجْنَحَةٍ
مَّثْنَى وَثُلَاثَ وَرُبَاعٍ يَزِيدُ فِي الْخَلْقِ مَا يَشَاءُ إِنَّ اللَّهَ عَلَى كُلِّ شَيْءٍ قَدِيرٌ﴾

{Pẽgr be ne Wẽnde, sẽn yaa saas la tẽng Naandã, sẽn maana Malegsã ti yaa tẽn-tvmbã, sẽn tar pigs a yiib-yiib la tãab-tãab la naas-naase, A paasda A sẽn dat naanegã pugẽ, ad A yaa bũmb fãa Tõoda.}

[Faaturv 1]

D kōta sid ti malegsã yaa dũni sẽn solg ne tõndo, la ad b yaa Wẽnd yembse, A naan-b lame ne nuura (vẽnem), n maan-ba ti b yaa tũudba, n yaa gãneg-m-mens-rãmb ne-A.

La bãmb yaa bõn-naands sẽn yaa wusgo, b pãngã la b sõorã ka tõe bãng a teka sã n ka Wẽnde A Naam zẽk yã, la b yembr fãa tara stf-rãmba la yuy la tvvma Wẽnd sẽn welg ne-ba, la sẽn be b pugẽ yaa a Gibriil tlgr be a yĩnga, b sẽn bobl a soab ne Wahi wã, t'a sigd ne-a n yi Wẽnd nengẽ A Naam zẽkame, n tvgd A tẽn-tvmbã nengẽ.

Zeng-raoog a tãab soaba: yaa kō-sid ne Gaf-rãmbã

A yeelame A Naam Zẽkame:

﴿قُولُوا آمَنَّا بِاللَّهِ وَمَا أُنْزِلَ إِلَيْنَا وَمَا أُنْزِلَ إِلَىٰ إِبْرَاهِيمَ وَإِسْمَاعِيلَ وَإِسْحَاقَ وَيَعْقُوبَ وَالْأَسْبَاطِ وَمَا أُوتِيَ مُوسَىٰ وَعِيسَىٰ وَمَا أُوتِيَ النَّبِيُّونَ مِنْ رَبِّهِمْ لَا نُفَرِّقُ بَيْنَ أَحَدٍ مِنْهُمْ وَنَحْنُ لَهُ مُسْلِمُونَ﴾

{Yeel-y: "d kōo sid ne Wënd la A sën sik n kō tōndā la A sën sik n kō a [braahum la a [smaaul la a [shaak la a Ya'akuub la Yagensā la b sën kō a Muusa la [isa la b sën kō Nabiyaam-rāmbā sën yi b Soabā nengā wā, tōnd pa welgd baa a yembr b pugē ye, tōnd me yaa sak-n-tū-rāmba ne-A} [Al-bakara: 136]

Kō-sid sën kenge, ti ad Gaf-rāmb nins sën sig saasē wā fāa gilli, yaa Wënd goama.

la ad b sik-b lame n yi Wënd nengē A naam yi wagelle n zēke, n kō A Tēn-tvumbā, ti b tvug ne A yembsē wā, ti yaa sida sën yaa vēenega.

la d kō sid ti Wēnde, A Naam yi wagell n zēke, A sën tvms A Nabiyaam a Mvhammadā -Wënd pvvsg la A tvlgr be a yīnga- n tvug nebā fāa gill kep nengē wā, A yēesa ne a Mvhammad Šari wā Šari-rāmb a taab nins sën da reng taorā, la A maan Alkvraān wagellā, ti yē yaa sën wa n ta n yāmb gaf-rāmb nins fāa sën da reng taor n sig saasē wā, la a leb n yēes-ba, la ad Wēnde, A reega A zugē, n na n gūs Alkvraān wagellā n yi tedgr buudu, maa toeengo, t'A yeele, A Naam Zēkame:

﴿إِنَّا نَحْنُ نَزَّلْنَا الذِّكْرَ وَإِنَّا لَهُ لَحَافِظُونَ﴾

{Ad yaa Tõnd n sik Alkvrãanã, la ad yaa Tõnd n na n gũ-a.} [Al-hiğri 9], Bala Alkvrãan wagellã, la Wënd Gaf-rãmbã baasdga, A Naam zẽkame, n tvg ninsaalbẽ wã, la A Nabiyaam a Muḥammad -Wënd puvsg la A tılgr be a yĩnga- yẽ la tẽn-tvumbã fãa baasdga, la lıslaangã dīnã, yẽ la dīn ninga Wënd sẽn yar-a ne ninsaalbã, n na n tvg n tãag dũni yikri, Wënd yeelame, A Naam zẽkame:

{إِنَّ الدِّينَ عِنْدَ اللَّهِ الْإِسْلَامُ}

{Ad Dīnã Wënd nengẽ yaa Lıslaoongã} [Aalv-
[mraan: 19].

La saasẽ Gaf-rãmb nins Wënd sẽn togsb-a -A naam zẽk yã- A Gafã pugẽ wã, bãmb yaa:

Alkvrãan wagellã: Wënd sik-a lame, A nabiyaam a Muḥammad zugu -Wënd puvsg la A tılgr be a yĩnga-

Taooraatã- Wënd sik-a lame, A Nabiyaam a Muusa zugu, tılgr be a yĩnga.

Lingiilã: Wënd sik-a lame, A Nabiyaam a lisa zugu, tılgr be a yĩnga.

Zabvvrã: Wënd sik-a lame, A Nabiyaam a Daawvvd zugu, tılgr be a yĩnga.

A [braahum gaf-rãmbã, Wënd sik-b lame, A Nabiyaam a [braahum zugu, tılgr be a yĩnga.

Zeng-raoog a naas soaba: yaa kō-sıd ne tẽn-tvumbã

A yeelame A Naam Zêkame:

﴿وَلَقَدْ بَعَثْنَا فِي كُلِّ أُمَّةٍ رَسُولًا أَنِ اعْبُدُوا اللَّهَ وَاجْتَنِبُوا الطَّاغُوتَ﴾

{La ad Tõnd tumsame ti kêng zâma fâa nengê Tën-tvuma, (t'a yeel-ba): "tũ-y Wënd la y zâag rvbsã}.

[Annahlv :36]

Yaa sîdgr sên kenge, ti ad Wënd, A Naam zêkame, A tumsa zâma fâa pugê tèn-tvuma, ti boond-b n tvgd Wënd tûudumã, Yënd a Yembre lagem-n-taar ka be ne-A ye, la b kîfleg ne bûmb ning fâa sên tûudi zêng sên ka Wënd, A Naam zêkame.

la b kô sîd ti ad b (tên-tvumbã) fâa gilli, b yaa yîng rãmba, n yaa rapa, n yaa Wënd yembse, b yaa sîd-rãmba n yaa b sên sîdgb-rãmba, n yaa Wënd zoetba, n yaa bas-m-yam-rãmba, n yaa kândgdba, n yaa pægdba, Wënd keng-b lame ne yel-soalem-rãmba, sên wilgdi b sîdã, la Wënd sên tum-b ne yel ninsã fâa gilli b taasame, la b fâa gilli b ra bee sîd la kândgr sên yaa vëeneg zugu.

la b boollã fâa zemsa taaba, sên na n sung b singrê n ti tâag b baasgê wã, sã n yaa ne diinã yêgr wængê, yê me la Wënd yembgã -A naam yî wagell n zêke-tûudumã pugê la b ra maan lagem-n-taarã ne-A wã.

Zeng-raoog a nu soaba: yaa kô-sîd ne laahrã (Yaoolem raarã)

A yeelame A Naam Zêkame:

﴿اللَّهُ لَا إِلَهَ إِلَّا هُوَ لَيَجْمَعَنَّكُمْ إِلَى يَوْمِ الْقِيَامَةِ لَا رَيْبَ فِيهِ وَمَنْ أَصْدَقُ مِنَ اللَّهِ حَدِيثًا﴾

{Yaa Wênde, soab kae sên tũud n tulge rênda Yê,
A na n tigma yâmb neere ândũni-yikr rãarã, sik ka be,
la ând goam sıda n le yud Wênde?} [Annisaa'v 87]

Yaa sɪdgr sên kenge, ne bũmb ning fãa sên kêed ne
Yaoolem raarã, tønd Soabã, A naam yɪ wagell n zêke
sên togs bũmb ningã, A Gaf wagellã pɔgẽ, maa tønd
Nabiyaamã, a Muḥammad, Wênd pɔvsg la A tɪlgr be a
yĩnga, sên yês tøndã, wala ninsaal kũumã la yikrã
kũumã poorẽ wã, la alɔɪyoom raar seg-taabã, la
Šafaa'v wã (sugsgã) la miizaanã (zɪslem peesgã) la
hɪsaabã (Geelgã), la arzãnã la Bugmã, la zẽng sên ka rẽ
sên yag ne Yaoolem raarã.

Zeng-raoog a yoob soaba: yaa kō-sıda ne Alkadrã
(pɔlengã), a sên noom la a sên toe

A yeelame A Naam Zêkame:

﴿إِنَّا كُلَّ شَيْءٍ خَلَقْنَاهُ بِقَدَرٍ﴾

{ad Tõndo, bũmbã fãa D naan-a lame ne geelgo.}
{Al-ƙamarv 49}

Yaa loe sũurẽ wã tɪ bũmbã fãa sên paamd bõn-
naandsã sên yaa yela dũni-kãngã pɔga, ad yaa sên tũ ne
Wênd minim la A kordgo, A Naam yɪ wagell n zêke,

la A rabsgo, Yê, A Yembr tãa, lagem-n-taag ka be ne-A ye. A leb n bãng ti Pɔlung-kãnsã (kordgã)yaa bũmb sên gulse taoor ti ninsaal meng na n ka naan ye, la a bãng ti ninsaal me tara raabo la tɔlsem, la ninsaal n tɔmd a tɔmã hakuk pugê, la rê fãa gillã, a ka yit Wënd bãngrã la A raabã la A tɔlsmã pugê ye.

Rënd kô-sɪd ne Pɔlungã a yikda yel a nu zugu:

a rãeenemã: yaa kô-sɪd ne Wënd bãngrã sên gũbg bũmbã fãa wã

yiib soaba: yaa kô-sɪd ti Wënd gulsa bũmbã fãa sên na n yɪ wã n tɔg n tãag dũni Yikr raare.

Tãabo: yaa kô-sɪd ne Wënd tɔlsmã sên yaa tɔlae ti yɪ wã, la A tɔogã sên gũbgã, rënd A sên tɔll bũmb ningã yɪtame, A sên ka tɔllã ka yɪt ye

Naase: yaa kô-sɪd ti Wënd la bũmbã fãa naanda, lagem-n-taag ka be ne-A, A bôn-naandsã pugê ye.

M zãmsda koom yōgbo

A yeelame A Naam Zêkame:

﴿إِنَّ اللَّهَ يُحِبُّ التَّوَّابِينَ وَيُحِبُّ الْمُتَطَهِّرِينَ﴾

{ad Wënd nonga tuubdbã la A nong yɪlgdbã} [Al-bakara 222]

A yeelame, Wënd pɔvsg la A tɔlgr be a yĩnga:

قال صلى الله عليه وسلم "مَنْ تَوَضَّأَ نَحْوَ وُضُوئِي هَذَا، ثُمَّ صَلَّى رَكْعَتَيْنِ لَا يُحَدِّثُ فِيهِمَا نَفْسَهُ، غَفَرَ اللَّهُ لَهُ مَا تَقَدَّمَ مِنْ ذَنْبِهِ"

(Yõge wala mam koomã yõgbã buudu)

Sên be Puvsgã yellã bedrem pugẽ, yaa Wënd sên maan yulgre a taoorã, n maan yulgrã ti yaa sart ne Puvsgã manegre, rënd yaa yẽ la Puvsgã kulen-bila, la ning a bedrmã f yamẽ wã a maanda sũurã ti yaa sên tar noang kegenga n tug Puvsgã, A yeelame-Wënd puvsg la A tulgr be a yĩnga-:

(الطهور شطر الإيمان.. والصلاة نور).

(Yulgrã, a yaa lumaoong puvuka, la Puvsgã a yaa vëenem)

la a leb n yeelame -puvsg la tulgr be a yĩnga-:

(من تَوْضِئاً فَأَحْسَنَ الْوُضُوءِ خَرَجْتَ خَطَايَاهُ مِنْ جَسَدِهِ).

(Ned ning sên yõka koom, n maneg a koomã yõkre, a tuum tuuti wã yita a yĩngẽ wã)

Rënd yamba, a tugda a Soaba nengẽ, t'a yaa sên yulge, yulgr ning sên ne vëenega, a sên maan tũudum kãngã sên yaa koomã yõgbo, la yulgr ninga b sên ka ne-a ne nifu, ne A sên maan tũudum-kãngã, t'a yaa sên yulg a pug ne Wënde, A naam zëkame, n tik Nabiyaamã na-këndrã sorã, -Wënd puvsg la A tulgr be a yĩnga-,

Bũmb ning sên sõmb n yõk koom n yaool n maanã:

1-Yaa Puvsgo, sên wa n yaa a soab gilli, zem ti yaa farila maa yaa Naafila.

2-Wënd Roogã gilgrã (Ṭawaafu).

3-Alkurãanã susgo

m yōkda koom la m so ne ko yulenga

Koom sēn yaa yuleng yaa: koom fāa sēn sigd saasē
wā maa a bulame n yi tēngē wā, n ket n be a yalē wā,
t'a stf a tāabā yembr ka tedg ye, yē me la a kōbgā, la a
noomā la a yūuga, ka tedg ne būmb ning sēn tōe n yiis-
a koom yulgemdē wā ye.

M zāmsda koom yōgbo

rāeenem nao-yakemdā 1: yaa Anniy wā, yē me zīgā
yaa sūurē wā, la Anniy wā maaneg vōore, yaa sūurā
sēn na n loe t'a na n tuma tūudmā, ti yaa sēn na n bao
pēnegre ne Wēnde, A Naam zēkame:

Nao-yakemda a yiib soaba 2: yaa nus tala a yiibā
pekre

Nao-yakemd a tāab soaba 3: yaa noorā wugsgu
noorā wugsgu: yē yaa koomā kēesgo noorē wā, n
wugs-a rē poorē t'a yiis-a

Nao-yakemd a naas soaba 4: yaa yōyā vēesgo

Yōyā fēesgo yaa f sēn na n fōog koomā ne f vūvsmā
n kēes hal yōorā pūgē.

Rē poorē, yaa fēes n yiisā: yē me yaa sēn na n yiis
būmb ning sēn be yōorē wā, sēn yaa yō-vēto la zēng
sēn ka yi rēnda ne fēesgo.

Nao-yakemd a nu soaba 5: Yaa nengā pegre

Nengā toaaga:

Nengã: fo sên togl ne bûmb ningã fãa yaa nenga.

La a yalmã tēka: yaa sên na n sing tûbrē wã n ti tãag tûbr a yembrã.

La sã n yaa woglemã: yaa sên na n sing zugã zoobd sên minim n bûldē wã, n tvg n tãag lemdã tēkē.

La nengã pekr gûbga bûmb fãa sên be nengã pvga, sên yaa kôbd sên yaa faaga, woto bala, ne peelemã ning sên be tûbrã ne yeemã svkã n lagem ne yeemã fãa gilli.

La sên yeel ti peelemã yaa bûmb ning sên be tub kîdrã la tub vãoogã meng svka

la yeemã: yē la kôbdã sên be kôbr ning sên be tûbrē wã n nukã n gûbg tûbrã gillã, sên yeegleg tûbrã vōorã, la sên sedg n sig yepeoogē wã.

La woto bala, nengã pekrã gûbgda b sên ne wã fãa gilli, n naag ne zoob taoko sên yaa toēnga zoobdã, la bûmb ning fãa sên zorge n yi zoobdē wã.

na-kēndr a 6: yaa nus a yiibã pekre, n na n sing nus-biyã zutu, n tvg n tãag kântus a yiibã

la kântus a yiibã kēeda nusã pekrē sên yaa tilae wã.

na-kēndr a 7: yaa zugã fãa saagre, ne nus a yiibã n lagem ne tûbã noor vugri.

a na n singa zugã singrē, n ti kēng hal kâarē wã, n le lebg n wa ne-ba

la a kēes a nus-bi teesdsã a tub a yiibē wã.

la a yiisda a nus-raad a yiibã a tuba yingã, n saag ne bamba tubrã yinga la a pugẽ wã.

na-kẽndr a nii soaba 8: yaa nao a yiibã pekre, n na n sung na-biẽ wã n ti tãag hal na-kugẽ wã, la na-kug a yiibã kēeda nao a yiibã pekr pugẽ sēn yaa tulae wã.

nao-kug a yiibã bāmb la: kōab a yiib nins sēn nudg karga tēngrã.

Koom kaooda ne yel-kāensã:

1-Sēn yit soy a yiibẽ wã, wala ruudem, la we-keenga, la sēedo, la mani, la mazi

2-yaa yam yikri, sēn tũ ne gōeem sēn zise, maa vūbgri, maa suubu, maa gāeemdo.

3-yaa būmb fãa gill sēn maand ti yaa tulae ti b so koom, wala Genaabo, la Pekre, la rogem zum.

Ned sã n maan we-keenga, a sōmbame n yēes rēgdã ne koom sēn yaa yulgemde la yēnda sōmblem n yude, maa zēng sēn ka koom, sēn yaa būmb ning fãa sēn yēesd rēgdã, wala kuga la vāto, la kudse la sēn wōnd rēnda, la ya a yi yēesg a tãabo sēn yulgde maa sēn yud rē, la leb n yi būmb sēn yaa yulgemde, n yaa būmb Šari wã sēn kō sore.

Nao-wuudã la svsetsã saagre.

Sã n mikame ti f ninga nao-wuud a yiibu maa sosetse sakdame ti f saag-b yiibã, n ka tar tulsem n na

n pek a nao a yiibā ye, la yaa sēn tū ne sart-rāmba, bāmba la:

1- yaa sēn na n mik t'a ning-b lame a sēn yaa yulgemd poorē, n yulg n yi rēg baoonego, maa rēg bedre, ti mik t'a rag n pek a nao wā yulgmd-kāngā pvgē.

2-yaa nao-wuud a yiibā yī yulgemde, n ka rēgd ye.

3-yaa ti saagrā yī wakat ning toaag b sēn yāk n kō wā.

4. yaa ti nao-wuudā yī n yaa halaale, wala b ra yī b sēn zu maa sēn fā ye.

Nao-wuud a yiibā bāmb: yaa būmb ning b sēn pit naoorē, ti yaa gāongo n yaa faaga la sēn wōnd rē, la a bilgri yaa wala neoodā nins sēn lut na-kāseng-kāyā.

la sā n yaa ne sosets a yiibā, yaa būmb ning ninsaāl sēn pit a nao wā, sēn yaa peende, la sēn wōnd rēnda.

4- Šari wā sēn kō sor ne nao-wuud a yiibā saagrā hikma (vōore).

Šari wā sēn kō sor ti b saag nao-wuud a yiibā, a hikma (vōorā), yaa sēn na yilē n maan ti yī naana la yolse lūslaambā zugu, rāmb nins sēn yaa toog ne-ba ti b pidg nao-wuudā n pek nao a yiibā, la sēn tvg n yuda waoodā sasa, la wala so-toak zugu.

Saagrā woglemā:

Sã n yaa ned sên be yiri: yaa raar la yungo, (wakat 24 pugê)

Sã n yaa kênkênda, yaa rasm a tâabo, ne b yundã fãa (wakat 72)

Saagrã sôorã singda geelgo, a rãeenem saagrã koomã kaoob poorê wã.

Saag nao-wvvdã zugu, a sifã wã (bilgrã) sên yaa a soaba:

1. madgda nus a yiibã.

2-kêng ne nugã nao-tagdi wã yîngri, n sing na-biê wã n tvg tâag kargã singrê.

3-Saagda rutg na-tallã ne rutg nugã la saag goabg naoorã ne goabg nugã.

Bûmb ning sên sãamd saagrã:

1-yaa bûmb ning sên maand ti koom soob yaa tilae wã

2. yaa saagrã wakat sên na n sê

Koomã soobo

Kêed-n-taar sã n zîndi ne rawa maa paga, maa mani yii b yiibã nengê ne wum-noogo, nenem maa yaa b gõeem wakato, yaa tilae ne b yiibã ti b so, bul yîng ti b na tîog n pvvse, maa b maan bûmb ning yulgr sên yaa tilae a pugê wã. Woto bala la paga, a sã n yulg n yi Pekre la rogem zum, yaa tilae ne-a t'a so taoor t'a na n

ka puṽs ye maa yaa būmb ninga sēn yaa tūlae tī b yūlg
n yaool maanā.

la koomā soob (Sīfa) bilgri yaa wala sēn watā:

Yaa tī līslaam gūbg a yīnga gill ne koom, a sēn yī
neng ning fāa gilli, la sēn be a pūgē, yaa noorā wugsgu
la yōya fēesgo, rēnda a sā n gūbg a yīngā fāa ne koom,
rēg-kāsengā zēk n bas-a lame tī yūlgā yaa sēn pidi.

b gūdgā ne genaab-soaba yel nins sēn watā halī t'a
wa so koom:

01 Puṽsgo

02 Wēnd Roogā gilgri (Ṭawaafō).

03 Miisr pūgē zīnd n kaoose, la sakda ne-a t'a puṽsg
bala, n ka zīnd n kaoos ye.

04 Alkurāanā susgo

05 Alkurāanā karengo.

Tēema wēebo.

Līslaam sā n ka paam koom a sēn na n yūlg a meng
ne-a, maa a ka tōe n tum ne koomā bāag yīnga la sēn
wōnd rē, la a yēesdē tī Puṽsgā wakatā na n pōsg-a lame,
rēnda a wēeda tēem ne tom.

la a sīfā, yaa a wē a nus a yīibā ne tēngā vugri n saag
a nengā la nus tala a yīibā bala. la yaa sart tī tomā yī
yūlgemde.

Tēema wēeb sāamdame ne yel-kāensā:

1-Tɛɛmã wêeb kaoodame ne bũmb ning sɛn kaood
koomã yõgbã

2-Koom sã n paam taoor ti yẽ na ka sung tũudum
ning a sɛn wê tɛɛmã n na n maana

M zãmsda Puvsgã

Wënd rogla lɪslaama, wĩndg la yung pugẽ, Puvsgã
rãmb a nu, bãmb me yaa Fagiri la Zafare la Laasare la
Magriba la Sãanfo.

M sɛgendame n na n puvse

Puvsgã wakat sã n ta, lɪslaam yulgda a menga n yi
rẽg-bãanese la rẽg-beda, sã n mikame t'a rẽgma rẽgd
sɛn yaa bedre.

Rẽg-bedrã, yẽnda yaa bũmb ning sɛn maand ti yaa
tilae ne lɪslaam t'a so wã.

La rẽg-bãanegã, yẽ yaa bũmb ning sɛn maand ti yaa
tilae ne lɪslaam t'a yõk kooma.

Lɪslaam puvsgã ne fut sɛn yaa yulgemde, zĩig sɛn
yaa yulgemde n yi rẽgdo, t'a yaa sɛn lud a yãndã.

Lɪslaam nagda ne fut sɛn toge Puvsgã wakato, n lud
a yĩnga ne fuugã, la ka sũmb ne rao Puvsgã pugẽ t'a
vẽneg bũmb sɛn be yũugã ne rũmã suk ye.

yaa tilae ne paga t'a lut a yĩnga fãa Puvsgã pugẽ, sã
n ka a nengã la a tal a yiibã.

Lislaam ka gomd Puvsgã pugẽ, rẽnda wala goam nins sẽn welge toor ne Puvsgã, la a sındame n kelgd limaamã, a ka wẽnesd a Puvsgã pugẽ ye, la a sã n ka tõe n ruls goam nins sẽn welg toor ne Puvsgã, rënd a tẽegda Wënd Yvure, n maan Subhaanallaah halı n wa ti sees Puvsgã, la yaa tulae ne-a t'a yãge n zãms Puvsgã la a karem Puvsgã gom-biisi.

M zãmsda Puvsgã

rãeenem na-yakemdã 1: yaa Anniy wã rıkre ne faril ning yẽ sẽn rat n na n kō wã, la a zıigã yaa sũurẽ wã.

M sẽn yõk koomã n se poorẽ, m teesda Alkiblã n puvv ti m yaa sẽn yase m sã n tõe rẽnda.

na-kẽndr a yiib soaba 2: m zẽkda m nus a yiibã, n yegl m bãgd a yiibã, n yeele:" Allaahv Akbarv" ti m yaa sẽn maan m Anniy wã, n na n kẽ Puvsgã pugẽ.

na-kẽndr a tãab soaba 3: m karemda Puvsgã pakr doaaga, bũmb ning sẽn wa n yi Nabiyaamã nengẽ wã, la sẽn be rẽ pugẽ, yaa yeele:

(سُبْحَانَكَ اللَّهُمَّ وَبِحَمْدِكَ، وَتَبَارَكَ اسْمُكَ وَتَعَالَى جَدُّكَ، وَلَا إِلَهَ غَيْرُكَ).

(Subhaanaka Allaahvmma wa bı hamdika, wa tabaaraka'smuka, wa ta-'aalaa ġaddvka, wa laa'iaaha Gayrvka= m Soab a Wẽnde, F yulgame, la m pẽgd-Fo, F Yvur yi wagelle, F zıslem zẽkame, soab ka be zẽng sẽn ka Foom ye)

na-kēndr a naas soaba 4: m kota gūudum n yi a
svutāana, b sēn rig a soab n zāag yolsgā, n yetē:

(أَعُوذُ بِاللَّهِ مِنَ الشَّيْطَانِ الرَّجِيمِ).

(A'vzv Billaahu Minaš-šaytaanir-ragiim)

na-kēndr a nu soaba 5: m karemda Alhamdo, rakaar
fāa pvgē, yē me la:

﴿بِسْمِ اللَّهِ الرَّحْمَنِ الرَّحِيمِ (1) الْحَمْدُ لِلَّهِ رَبِّ الْعَالَمِينَ (2) الرَّحْمَنِ
الرَّحِيمِ (3) مَالِكِ يَوْمِ الدِّينِ (4) إِيَّاكَ نَعْبُدُ وَإِيَّاكَ نَسْتَعِينُ (5) اهْدِنَا
الصِّرَاطَ الْمُسْتَقِيمَ (6) صِرَاطَ الَّذِينَ أَنْعَمْتَ عَلَيْهِمْ غَيْرِ الْمَغْضُوبِ عَلَيْهِمْ
وَلَا الضَّالِّينَ (7)﴾.

D na n sunga ne Wēnd Yvvrā Albarka, sēn yaa Dūni
yols-zāng Naabā, n leb n yaa Sūd-kōatbā welg n yols
Naabā (1)

Pēgr tiging be ne Wēnde sēn yaa bōn-naandsā
Naabā (2)

sēn yaa dūni gubg-n-yols Naabā, n yaa Yaoolem
raar welg-n-yols Naabā (3)

n ya dīnā rolb raar Naabā (4)

Foo bal la d tūuda, la Foo bal la d kot sōngre (5)

kāndg-d n tvg so-turgē wā (6)

B rāmb nins Fo sēn maan neemā b zugā sore, zēng
tī pa B sēn gē-b rāmbā, pa sēn menembā sore.(7))

M karemda Alhamdā poorē, būmb ning sēn yaa
naana ne maam Alkurāanā pvgē, rēnem rakaarē wā la
yīibē soabā teka Pvvs gā fāa pvgē, la woto ka būmb sēn

yaa tilae ye, la ad yaa keoor sēn yaa zisgo n be a maanegã pvgē.

Na-kēndr a yoob soaba 6: m yetame: "Allaahu Akbarv", rē poorē ti m maan Rukuu (zōonde), halı ti m poorã zems taaba n yaa sas, ti m nus a yiibã yaa sēn be m rûm a yiibã zugu n yaag nus-bi wã, rē poorē ti m yeel Rukuu wã: "(Subhaana Rabiya Al-‘Azum" m Soab Zısgã yılgame).

Na-kēndr a yopoe 7:soaba: m roogdame n yi Rukuuē wã, n yeele (Sami‘a Allah luman hamıdahvv), ti m yaa sēn zēk m nus a yiibã n ti zems ne m bāgdã, ti m yīnga yōgne, n yals n yeele: "(Rabba naa walakal hamdv).

Na-kēndr a nii: 8 soaba: m yetame: "Allaahu Akbarv, n maan Suġuudu m nus a yiibã la m rûm a yiibã la m na-tagds a yiibã la m rīrã la m yōorã zugu, la m yeel m Suġuuda pvgē (Subhaana Rabiya Al-‘alaa= m Soab Zēkdgã Naam yılgame)

na-kēndr a wae:9 soaba: m yetame: Allaahu Akbarv= Wēnd n yud bedrem) n rooge n yi Suġuudē wã halı n wa zīnd zānga, ti m poorã yaa sēn tēege, n zī goabg na-tagdrã zugu, n sel ritg naorã, n yeele: (Rabı ıgfır lu= m Soab a Wēnde, yaaf-ma).

Na-kēndr piig soaba: m yetame: (Allaahv Akbarv)
Wënd n yud bedrem) n lebg n tiuul (maan Suğuudu)
yesa wala rēnem Suğuudā.

Na-kēndr piig la a yembre: m roogdame n yi tiuulgē
(Suğuudē) wā, n yeele: Allaahv Akbarv= Wënd n yud
bedrem) halı n wa tug n tēege, n yals turga, la m maanda
Puvsgā Rakaar-rāmbā sēn kellā fāa pvgē, wala m sēn
maan rēnem Rakaarā bilgri.

Zafarā la Laasarā la Magribā la Sāanfā rakaar-rāmb
a yiibā loogr poorē, m zīndidame, n maan Attašahvd
rēngā, la yē me la:

(التحيات لله والصلوات والطيبات، السلام عليك أيها النبي ورحمة الله وبركاته،
السلام علينا وعلى عباد الله الصالحين، أشهد أن لا إله إلا الله، وأشهد أن محمداً
عبده ورسوله)

(Attahyaatv Lullaahı, waşşalawaatv waţţaybaatv,
assalaamv ‘alayka, ayyvha'nnabıyyv, wa
rahmatullaahı, wabarakaatvuvuv, assalaamv ‘alaynaa,
wa ‘alaa ‘ibaadullaahı aşşaalıhuna, aşhadv anlaa ılaaha
ılla Allaahv, wa Aşhadv anna Muħammadan ‘Abdvuvuv
wa rasvuvuvuv = Puvsv-rāmb be ne Wēnde, fāagr la
Yılma be ne Wēnde, Tılgı be ne foom a Nabiyaama, la
Wënd yolsı la A barka, Tılgı be ne tōnd la Wënd yemb
sōmsā, m tabenda m sūurē ne hakuk tı soab sēn na n tū
n tılgı kae rēnda Wēnde, la m maand kaset t'a
Muħammad yaa A yamb la A Tēn-tvuma) Rē poorē tı
m leb n yik n kēng Rakaar a tāab soabā wānde poorē.

Raka baasgã poorẽ, Puvsg fãa pugẽ, m zĩndidame n
karem Šahd baasdgã, yẽ me la woto:

(التحيات لله والصلوات والطيبات، السلام عليك أيها النبي ورحمة الله وبركاته،
السلام علينا وعلى عباد الله الصالحين، أشهد أن لا إله إلا الله، وأشهد أن محمدًا
عبده ورسوله، اللهم صل على محمد وعلى آل محمد، كما صليت على إبراهيم
وعلى آل إبراهيم، إنك حميد مجيد. اللهم بارك على محمد وعلى آل محمد، كما
باركت على إبراهيم وعلى آل إبراهيم، إنك حميد مجيد)

(Attahı yaatv lillaahı, waşşalawaatv wattaybaatv,
Assalaamu Alayka Ayyvuhannabiiyv wa rahmatvllaah
wabarakaatvhv, Assalaamv 'Alaynaa, wa 'alaa
'ibaadillaah Aşşaalhuna, Aşhadv an laa'ılaaha
ıllallaah, wa Aşhadv Anna Mohammadan 'Abdvhv
Warasvıhv. Allahvmma şallı 'Alaa Mohammadın
wa' 'alaa aalı Mohammadın, kamaa şallayta 'Alaa
[braahuma wa 'alaa aalı [braahuma, unnaka hamiidv
mağiidv, Allahvmma baarık 'alaa Mohammadın wa
'alaa aalı Mohammadın, kamaa baarakta 'alaa
[braahuma wa 'alaa aalı [braahuma innaka hamiidv
mağiidv.)

na-kẽndr piig la a yiib soaba: rẽ poorẽ, m ningda
sallem goabg weengẽ, n yeele (Assalaamu 'Alaykum
wa rahmatvllaahı) la m ning sallem m rutg weengẽ n
yeele: (Assalaamu 'Alaykum wa rahmatvllaahı) tı m
yaa sẽn maan Anniy wã n na n yi Puvsgã pugẽ la woto
mam yaa sẽn kıs Puvsgã.

Lıslaam poak hıġaabã (ludbu)

A yeelame, A Naam Zẽkame:

﴿يَا أَيُّهَا النَّبِيُّ قُلْ لِّأَزْوَاجِكَ وَبَنَاتِكَ وَنِسَاءِ الْمُؤْمِنِينَ يُدْنِينَ عَلَيْهِنَّ مِنْ جَلَابِيبِهِنَّ ذَلِكَ أَدْنَى أَنْ يُعْرَفْنَ فَلَا يُؤْذَيْنَ وَكَانَ اللَّهُ غَفُورًا رَحِيمًا﴾

{Yaa foom a Nabiyaamã! Yeel f pagbã la f kom-pugli wã la muumin-rãmbã pagbã, tì b woglg b fu-bedã n maa-na t'a yeeg n pëdg b nensã, tì rënd n pë ne b na bãng-ba tì b pa yemb-pogsyë, n da nams-b ye, la Wënd yume n yaa Yaafda n yaa Yolsda} [Al-Ahzaab: 59]

Wënd maaname tì yaa tilae n rog ne lslaam poaka t'a lud a menga la a lud a yãndã la a yĩngã fãa gilli n yi ra-zëmse, ne fut ninsi b sën minimi b têngë wã. La ka sōmb ne-a t'a yāk a ludbã sã n ka a sɪd taoore maa a rog-pëtba, bãmb me la neb nins lslaam poak sën ka tõe n fur-ba, tì ka tõe n furã yaa lae-lae, bãmb me: (Yaa ba, baa t'a sã n zêke (yaaba), la biiga baa t'a sã n sigi (yagenga), la saam-bi, la saam-kasemse, la yes-rãmba, la tão, la tão biiga, la tão-poak biiga, la ma sɪda, la sɪda baaba, baa t'a sã n zêke, (yaaba) la sɪda biiga, baa t'a sã n sigi, (yagenga), la tão yēseng wɛɛngɛ, la ma-yēsmd sɪda. La yēsengã haramda (gidgda) bumb ning sën gidgid buudë wã)

La lslaam poak gūusda a yeremë wã yel sãnda:

Pipi soaba: yaa yĩngã fãa gūbgri.

Yiib soaba: yaa tì pag sën yer bumb ningã ra yi nagem ye

Tãab soaba: yaa t'a ra yɪ yãasenga n vẽnegd a yĩnga ye.

Naas soaba: yaa t'a yɪ yalenga, n ka sêka, n wĩnigd a yĩngã ye.

Nu soaba: yaa t'a ra ning-a parfẽ ye.

Yoob soaba: yaa t'a ra wõneg rao fut ye.

Yopoe soaba: yaa t'a ra wõneg sên ka lɪslaam pogsã futã b tũudumẽ wã maa b tigã fut ye.

Sên be Muumin (sɪd-kõt) sɪf-rãmbẽ

A yeelamem A Naam Zêkame:

﴿إِنَّمَا الْمُؤْمِنُونَ الَّذِينَ إِذَا ذُكِرَ اللَّهُ وَجِلَتْ قُلُوبُهُمْ وَإِذَا تُلِيَتْ عَلَيْهِمْ آيَاتُهُ زَادَتْهُمْ إِيمَانًا وَعَلَىٰ رَبِّهِمْ يَتَوَكَّلُونَ﴾

{Neb nins tɪ b sã n tẽeg Wënd yell bɪ b sũyã rigdã, bãmb bal la sɪd-kõtba; la b sã n karem A goama me tɪ b wume, a paasd-b sɪd-kũuni, la b Soabã me la b bobẽnd b mensã.} [Al-anfaalv :2]

A yaa sɪd-soaba, a goam pvgẽ a ka yagd zĩri ye.

A pidsda alkaoole la pulvngo.

A ka wẽngde zabr pvgẽ ye.

A lebsda bobelle.

A noanga ne a ma-bi taaga bũmb ning a sên noang ne a menga

A yaa kōta.

A manegdame n tvgd nebã.

A tōkda rogem.

A yarda ne Wēnd kordga la a puvsd-A barka yol-yol
sasa la a maand sugri keelem wakato

A yaa yān-zoeta.

A yolsda bōn-naandsā.

A sūurā tulgame n yi sū-kīiri, t'a yīn-wilā tulg n yi
maan-n-zvug nebā zugu

A basdame ti loogd nebā yīnga.

A ka rit ribaaga a ka tvm ne ribaaga.

A ka yoode.

A ka yūud rāam ye.

A manegdame n tvgd a yagsā.

A ka wēgde, a ka zāmbde.

A ka zuudi la a ka maand silem ye.

A yaa manegd ne a roagdb a yiibā, baa ti b sā n ka
līslaamba, la a tūud b noore manegr pvē.

A wubda a koambā zvug-wagell zugu, la a wiligd-b
Šari wā yela, la a gidg-b n yit zvug-wēnse la haraam-
rāmba.

A ka wōnesd a meng ne zēng sēn ka līslambā tvvma,
sēn yaa b dīinā yelē, maa b rog-n-mikā yel nins sēn
lebg vūun ne bāmbā.

Mam sū-noogā mam līslaangā dīinā pvē

A yeelame, A Naam Zēkame:

﴿مَنْ عَمِلَ صَالِحًا مِنْ ذَكَرٍ أَوْ أَنْتَى وَهُوَ مُؤْمِنٌ فَلَنُحْيِيَنَّهٗ حَيَاةً طَيِّبَةً
وَلَنَجْزِيَنَّهُمْ أَجْرَهُمْ بِأَحْسَنِ مَا كَانُوا يَعْمَلُونَ﴾

(Ned ning sên tuma sôma, yaa raa ti yaa paga, ti
yê yaa sîd-kôta, D na vums a soab vum sên yaa yilenga,
la D na rol-b keoor sômbalem sên yud b sên da yî n
tumdã.) [Annahlv: 97]

Bûmb sên tvg n yud sên kêesd sũ-noogo la yardo
lîslaam sũurê wã, yaa a sên kell n tuk turga ne a Soabã
n ka baood ned na kê a svka, zem ti yaa vitbê wã maa
yaa kiidbê wã, bî yaa rubse, bala Wênde, A Naam
zêkame, A togsa A Gaf wagellã pugê, t'A yaa Pêt ne A
yembsã wakat fãa, A wumd-b lame, A reegda b kosgã,
wala A sên yeele, A Naam zêkame:

﴿وَإِذَا سَأَلَكَ عِبَادِي عَنِّي فَإِنِّي قَرِيبٌ أُجِيبُ دَعْوَةَ الدَّاعِ إِذَا دَعَانِ
فَلْيَسْتَجِيبُوا لِي وَلْيُؤْمِنُوا بِي لَعَلَّهُمْ يَرْشُدُونَ﴾

(la Mam yembsã sã n sok foo Mam yelle, rënd
Mam pëeme, M deegda boand boolgo, t'a sã n bool-
Ma, bî b maan M sên na reeg b yînga la b kô sîd ne-
Ma ti sând-sânde b na kânde) [Al-bakara: 186], La A
sagla tôndo, A Naam yilgame, ti d kos-A, n maan yel-
kângã ti yaa tûudum-râmb sên yud zislem, lîslaam sên
baood pênegr ne a Soabã nengê, ne A sên yeele, A
Naam yî wagell n zêke:

﴿وَقَالَ رَبُّكُمْ ادْعُونِي أَسْتَجِبْ لَكُمْ﴾

{La yāmb Soaba yeelame: "kos-y-Ma tī M na reeg y yīnga} [Gaafir: 60], Rēnd līslaam sēn yaa turga, wakat fāa a tara tulsem n tug a Soabā nengē, la a koat-A wakat fāa, la a baood pēnegr ne Wēnde ne tūudum-rāmb nins sēn yaa sōmā wā.

La Wēnd maana tōndo, dūni-kāngā puga, A Naam zēkame, ne būmb ning yīnga sēn yaa bedre, A ka naan tōndo zaalem ye, yē me la Wēnd tūudum, A Yembr tāa, lagem-n-taag ka be ne-A ye. La A maana dīin n kō tōndo sēn yaa Wēnd dīini, sēn gūbg fāa gilli, n kumbd tōnd vumā yelā fāa gilli, sēn welge, la sēn gūbgi. La A leb n gū ne Šari-kāngā sēn yaa tēeg-turgā vumā yel nins sēn yaa tulae wā, yē me yaa dīinā, la d yōyā la d burkīndā la d yamā la d arzēgsā. La ned ning sēn vuma n tūud Šari wā saglsā, n zāagd a menga ne haraam-rāmbā, rēnd yē soabā, a gūusa yel-kāensā sēn yaa tulae wā, a vumdame ne zu-noogo, a sēn tar yīn-yōgnego a vumā pugē, sik sēn ka be.

La līslaam tōkrā ne a Soabā, a yaa būmb sēn zulme, n maan yīn-yōgnego la bas-m-yam la sū-noogo, n leb n ningd a yamē wā ne Wēnd sēn be ne-a wā, A Naam yī wagell n zēke, la A sēn sōngd-a wā, la A sēn nong A yambā sēn yaa sid-kōtā, Wēnd yeelame, A Naam zēkame:

﴿اللَّهُ وَلِيُّ الَّذِينَ آمَنُوا يُخْرِجُهُم مِّنَ الظُّلُمَاتِ إِلَى النُّورِ﴾

{Wënd la sūd-kōtbā lallda, A yiisda bāmba ligsē
wā n tvgd vēenemē wā} [Al-bakara: 257]

Tōk-n-ta-kāngā sēn yaa zısgā, a yaa halhaal ninsaal
sēn wumd-a a yīngē wā, t'a talled-a t'a paam wum-
noogo ne Arrahmaan (Yolsg Naabā) tūudum, n tar
nonglem kegenga, n na n yek-A, n yıkd ne sūurā n tvgd
zu-noog saagē ne a sēn wumde lumaoongā noomā.

Noog-kānga, noomā sēn ka tōe n bilgā sā n ka ned
ning sēn leems-a ne tūudumā maanego la yel-wēnsā
zāagre, rē n kıt tı Nabıyaam a Muḥammad, Wënd
pıvsg la A tılgı be a yīng, yeele:

(ذاق طعم الإيمان من رضي بالله ربًّا وبالإسلام دينًا وبمحمد رسولًا).

(Ned ning sēn yara Wënd tı yaa a Soaba, la lıslaango
tı yaa a dīini, la a Muḥammad tı yaa a Tēn-tıvıma, a
lemba sūd-kūun noom.)

N-yee! Ninsaal sā n ning a yamē wā wakat fāa t'a be
a Naandā taoore, la a bāng-A ne A Yıyā la A Sıf-rāmbā
sēn be neerā, la a tū-A tı yaa wala yē ne-A lame, la a
maan pıv-peelem a tūudumā pıga ne Wënd A Ye tāa,
la a ka bao-A ne a tūudumā zēng sēn ka Wënd A -
Naam yı wagelle - a vımsda vum sēn yaa yılgemde n
yaa zu-noogo dūni kaanē, la baas-neere Yaoolem
raarā.

Halı n ti tãag yel nins sên paamd sîd-kôta dūni pugê wã, ad a tũlmã gôbgdame ne bãng-n-wãakã maasmã la yarda ne Wênd kordgã, A Naam zêkame, la a pêg-A A kordgã fãa sên yaa noogo la sên yaa toogo, la yard sên pid ne-a.

La sên leb n sômbê ti lıslaam maan noanglem ne-a bvil yîng t'a zu-noogã na paase la a yîn-yôgnegã, yaa sên na n têegd Wênd Yvvrã wusgo A Naam zêkame, la a sên na n karem Alkvrãan wagellã, wala A sên yeelã A Naam zêkame:

﴿الَّذِينَ آمَنُوا وَتَطْمَئِنُّ قُلُوبُهُمْ بِذِكْرِ اللَّهِ أَلَا بِذِكْرِ اللَّهِ تَطْمَئِنُّ الْقُلُوبُ﴾

﴿Neb nins sên kô sîdã ti b sũyã yôgend ne Wênd yvvrã têegrã, la ad yaa ne Wênd yvvrã têegr bala la sũyã yôgenda﴾ [Ara'adv: 28]. La lıslaam sên paas Wênd Yvvrã têegrã la Alkvrãanã karengã fãa, la a pênegrã ne Wênd sên kengde, t'a yôorã yilge, t'a sîd-kũunã kenge.

Woto bala, sômba ne lıslaam t'a bv noanglem ne a dîinã yel karengo, a yêgê wã sên manegã, sên na yıl t'a tũ Wênde, A Naam zêkame, ne minim, bala Nabiyaamã yeelame, Wênd pvvsg la A tılgr be a yînga-:

(طلب العلم فريضة على كل مسلم)،

(Bāngr baoob yaa tulae n rog lslaam fãa), La a leb n yi
bas-m-meng soab n tũ, n pugd Wënd saglsã, A Naam
zẽkame, Naab ning sẽn naan-a wã, zem t'a bānga
sagellã võore maa a ka bānge, bala A yeelame, A Naam
zẽkame, A Gaf wagellã pugẽ:

﴿وَمَا كَانَ لِمُؤْمِنٍ وَلَا مُؤْمِنَةٍ إِذَا قَضَى اللَّهُ وَرَسُولُهُ أَمْرًا أَنْ يَكُونَ لَهُمُ
الْخِيَرَةُ مِنْ أَمْرِهِمْ وَمَنْ يَعْصِ اللَّهَ وَرَسُولَهُ فَقَدْ ضَلَّ ضَلَالًا مُبِينًا﴾

{La ka segd ne sid-kõt raoog la sid-kõat poak ti
Wënd la A Tẽn-tvũmã sã n gāneg yell buvd n se bi b le
tall yam-yākr b yellã pugẽ ye, la ned ning sẽn kusa
Wënd la A Tẽn-tvũmã, rënd a menema meneng sẽn
yaa vëenega.} [Al-Ahzaab : 36].

La Wënd na puvs la A tũlg tõnd Nabiyaamã a
Muhammad la a zaka rāmbã la a tũud-n-taasã
(Şahaabsã) gilli.

Pidame.

Gom-zutã Sebr bukã

Limoro wã

Gom-zugã

Seb-nengã

Leb wagdgẽ wã

Kẽng sebr bukẽ wã

Pvi tõnd fo sẽn yã gafã wẽengẽ

Wa loog n kaag sit elektoronikã (zĩigã)

Gafã sẽn leoode n tvũmd ne nugẽ bāngã (Telfõndã)

Tõk n leb n kēng gom-zugē wā
Tõk sugā (foto) n lebg n kēng wagdgē wā
Eskane QR koodā
Balleg sēn yaa karengo powēr pōet (PowerPoint)
Tuumdā biisā
Gafo b sēn wē n yiisi
Nugē bāng gafo
Ziig Ënternetā zugu
Pak ne powēr pōet (PowerPoint)
Gafā b sēn sēgle tī weleg zall ne Āndroyudā

Sebrã buka

Gom-koεεg sēn nafde, n kō lɪslaam paalã	2
Gomd tuvsgo	2
Mam Soabã yaa Wēnde	4
Nabiyaama a Muḥammad, -Wēnd puvsg la A tulgr be a yīnga- ...	7
Alkrāan wagellã yaa mam Soabã goama	8
M rat n na n bānga Lɪslaoongã zeng-raadã	9
M rat n na n bānga Sɪd-kūunã (Lumaangã) zeng-raado:	14
M zāmsda koom yōgbo	22
Nao-wuudã la susetsã saagre.	26
Koomã soobo	28
Tεema wēbo	29
M zāmsda Puvsgã	30
Lɪslaam poak hɪgaabã (ludbu)	35
Mam sū-noogã mam lɪslaangã dīnã pvgē	38